



24. aggusti 2018

UKA 2018/54

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiupparput:

Imigassamut inatsimmi imigassat aalakoornartortallit pillugit pilerisaarutit sulluunniit inerteqqutaanerata atorunnaarsinnissaa imaluunniit allamik taama sakkortutigisumik taarserneqarnissaanut Imigassaq pillugu Inatsisartut inatsisaata allanngortinnissaanut allannguutissamik saqqummiusseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Randi Vestergaard Evaldsen, Demokraatit)

Tungavilersuut

Qupaloraarsunniassagutta qaqqamut qamutilik nassassallugu tulluanngilaq. Eqqortumik oqaatigalugu imaluunniit allamik isumaqartillugu. Kisianni taamatorluinnaq iliorput Inatsisartut imigassamut inatsit maannakkut atuuttut akuerineqarmatⁱ, imigassanik aalakoornartortalinnik pilerisaarinissamut inerteqqutitaiⁱⁱ ilanngullugit - sutigut tamatigut.

Nittarsaassinissamut inerteqquteqarnerup eqquneqarneratigut siunertat imatut ajunngikkaluarpur: Imigassat aalakoornartortallit nittarsaanneranni meeqqat sunnertissinnaanerat pinaveersimatinniarneqarpoq.

Eqqumiittuali uaniippoq imigassamik aalakoornartortalinnik meeqqanut nittarsaassinissaq (suli) inerteqqutaa voq. Tamanna inatsimmi allamiiginnarpoq, tassalu nittarsaassineq pillugu inatsimmiⁱⁱⁱ.

Tungavilersuutigineqarsinnaavoq inerteqqutip naammaginanginnera: Nittarsaassinerit inersimasunut sammitinneqartut aamma meeqqanik inuusuttunillu sunniisinnaapput. Ilumoorpoq; nittarsaassinerit ilaat sunniisinnaapput. Sualummik nittarsaassinerit inunnik nuannattunik imigassartallinnik inertunik assitallit. Nittarsaassinerit tunisassiat pilluaammititsilersinnaanerannik, pinnissutsimik, akimanrmik, ingerlalluarnermillu isumaqalersitsinnaasut.

Kisianni nittarsaassinerit taamaattut nunatsinni taamaallaat takusarpaugut allamiut TV-mi aallakaatitassiaanni, inerteqqutigisinnaangisatsinni.

Eqqarsaatigilaariartigu: Imigassamut aalakoornartortalimmut nittarsaassineq siornatigut nunatsinni takutittarnikuusagut sunimmaa imaqarpat?



Aviisini neqeroorutini imalinni atuarsinnaasarnikuuagut sapaatip akunnerani uani rødviinni 120 koruunilik aamma puujaasaq viinni qaqortoq 110 koruunilik - immaqa ilalaarlugu rødviinni tuttumut imaluunniit umimmammut siatamut nalissaqanngitsoq kiisalu hvidviinni aalisakkanut qaleralinnullu iggisigissallugu tulluarluinnartuusoq. Aamma sapaatip akunneranut saqqummersartuni aviisini neqeroorutini imalinni atuarneqarsinnaasarnikuuvoq, najukkami immiorfiup immiaaraq nutaaq kuaanerik akulik tuninialeraa.

Nittarsaassinernut taamaattunut meerartagut illersortariaqanngilagut.

Siunertaasimappat nittarsaassinernut allanut illersuinissaq taava nittarsaassinernut tamakkiisumik inerteqquteqartoqartariaqanngikkaluarpog.

Frankrigimi^{iv} imigassanut aalakoornartortalinnut nittarsaassinerit tunisassiornermut paasisutissanik eqqortunik taamaallaat imaqaqqusaapput soorlu aki, akut, immioriaaseq aamma imigassap procentia pillugit. Aamma TV-mi, filmertarfinni, festivalini, kulturikkut aqqqissuusineri taamatullu timersorneri nittarsaassisoqaqqusaanngilaq.

Isumassarsiorfissatsialassuupput. Aamma eqqarsaatigisinnaavarput imigassat aalakoornartortalit ilaasa nittarsaassutigineqartannginnissaa, sualummik pineqarpata inuusuttunut pilerinartut soorlu "alcopops"-it.

Kisianni nittarsaasseriaatsinut kissaatiginngisatsinnut angusassanik toraagalinnut killilersukkanullu inerteqqusioratik Inatsisartuni amerlanerussuteqartut sunnerteriataarput tamakkiisumik nittarsaassinerimut inerteqquteqarnissaminnut.

Inerera naatsorsorneqareersinnaavoq: Inerteqquteqarnerup nunat allamiut tunisassiorlut unammilleatigiinnermi iluaquserneqarput nunaqavissunut naleqqiullugit. Nunani allani tunisassiorlut nioqqutissiaatiminnik nittarsaassipput kanalit filmertarfiit aqutigalugit, aviisini aamma atuagassianilu taamatullu internettimi. Nittarsaassinerit takuneqartarput - aamma nunatsinni. Najukkami tunisassiorluaqqat nunarsuup sinnerani tunisassiatik nittarsaassinnaanngilaat maannakkullu nunatsinni nittarsaasseqqusaajunnaarnikuugamik tunisassiaat annermik minnermilluunniit "ersikkunnaaqqapput". Inerera: Najukkami tunisassiorluaqqat niuernerme kinguussajaartorput^v.

Taamatut ilumut kissaateqarpugut?

Qupaloraarsuit qamutilinnik piniaraanni taava igaat neqitassaqanngillat.

Aningaasarsiornikkut allaffissornikkullu pisortanut kingunissai.

Siunnersuut piviusunngortinniarlugu inatsisissamut siunnersuusiortoqartariaqassaaq.

Allaffissornermut nukit atorneqartussatut, nutserinissaq, tusarniaanissaq aamma inatsisip



oqaasertaanik misissuinisaaq ilanngullugit naatsorsuutigaarput inuup ataatsip ukiup affaani suliarinninnissaanit sivisunerunaviannngitsut.

Aningaasarsiornikkut allaffissornikkullu namminersorlutik inuutissarsiutunut kingunissai.
Siunnersuut pissutaalluni kalaallit maqitsiviata niuernermi siuariassaaq nunat allamiunut tunissasiortunut naleqqiullugu.

Aningaasatigut allaffissornikkullu innuttaasunut kingunissai.
Soqanngilaq

ⁱ Imigassaaq pillugu Inatsisartut Inatsisaat nr. 35, 23. november 2017-imeersoq

ii§ 27. Imigassat a alakoornartortalit pillugit ussassaarineq, allagarsiussineq allatulluunniit ussassaarineq inerteqqutaavoq.

Imm. 2. Ta matumunnga taarsiullugu meqqit, saqqarmiussat, ilisarnaatit takussutissalluunniit allat atuisup imigassanik a alakoornartulinut tungassuteqartut paasisinnaasai atornerisigut inerteqqut a vaqqunneq aqqusaanngilaq. Ta mannali suliffeqarfiup ilisarnaataanut atuutinngilaq.

Imm. 3. Imigassanik a alakoornartulinik a keqanngitsumik agguaneq inerteqqutaavoq.

Imm. 4. Ni uertarfinni sassaalliisarfiillu iluini assiaqusersorsukkami ussassaarisinnaaneq imm. 1-imi aamma 2-mi inerteqqummut ilaatinneqanngilaq.

Imm. 5. Tusagassiorfiit nunanit allaneersut imm. 1-imi aamma 2-mi inerteqqummut ilaatinneqanngillat.

ⁱⁱⁱ § 9, stk. 3, tuniniaanermi nittarsaassineq aamma nalunaaqutsiisarneq pillugit Inatsisartut Inatsisaat nr. 299. december 2015-meersoq. (tuniniaanermi nittarsaassineq pillugu inatsit): *Imm. 3.* Tuniniaanissamik nittarsaassineq meeqqanut inuusuttunullu sammitinneqartoq aanngajaarniutinik, ilanngullugu imigassanik a alakoornartortalinnik, eqqartuinernik, assilisanik imaluunniit innersuussutinik imaqartinneqassanngilaq.

^{iv} <https://eucam.info/regulations-on-alcohol-marketing/france/>

^v <http://sermitsiaq.ag/node/206350>